

123.

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ;
Orthodoxorum Medicorum Patrono.

QUÆSTIO MEDICO-CHIRURGICA, *

QUOD LIBETARIIS DISPUTATIONIBUS

*manè discutienda in Scholis Medicorum, die Martis decimâ
mensis Martii, anno Domini M. DCC. LXXII.*

M. ANNA-CAROLO LORRY

Doctore Médico, Præsîde.

Herbis, an ferro promptior tutiorque abscessuum à congestione curatio?

I.



IRABILEM humani corporis mechanismum, diversam organorum ejus fabricam, mutuum diversarum ejus partium inter se consensum, motus continui necessitatem, & assiduæ liquidorum cum solidis luctæ leges qui concipiet, is omnium causas facile percipiet alterationum, morborum nempe quibus primævos etiam homines, novâ licet validâque constitutione dotatos, internè aut externè obnoxios fuisse constat. Internorum tunc suis sibi quisque, naturâ dictante, Medicus erat; externi, si partem aliquam corporis à manûs propriæ auxilio remotam tentarent, opitulatricem alienam postulabant; inde prima artis Chirurgicæ origo, ab incunabulis ingenuæ, simplicis, ac fuci nesciæ quæ antiquitûs Medicinæ audiebat, commune ei nomen cum cæteris artibus corpori roborando, mundando, ungendo, decorando & servando additis, à generalis medendi rationis etymo ductum. Quibus verò tunc instrumentis antiqua hæc naturalis Chirurgia, ad eas quas hodierna sibi vindicat ægritudines curandas ueretur, inquirere qui velit, apertum ubique agrestem naturæ librum consulat: nihil in eo de ignis atroci, nihil de sævo ferreorum instrumentorum apparatu reperiet; immò simplicissima, lenissimaque ei è vegetabilium passim & spontè nascentium delectu medicamina tantum occurrunt: horum vires & extemporaneum ufum noscere, non Medicorum solum, sed & Regum Imperatorumque quondam summa laus erat. Quantum autem hæc internè externèque conducant, Medicis indicare supervacaneum; at quanta ad morbos externos, quanta ad curandos imprimis tumores, ab illis auxilia mutuari possit Chirurgia, probare necessum est. Diversa à diversis humoribus, à diverso affectuum partium situ, nomina fortitur Affectionum id genus; ad eo potissimum qui in abscessum à congestione degenerant, hic loci nostra refertur cura. Historicas horum apud Antiquos causas, pro variis quibus hi viverent moribus, sigillatim persequi, si non difficile, saltem longius foret: unum sit pro rato illos simpliciter & leni naturalis Chirurgiæ operatione, herbarum scilicet applicatione promptè, tutò ac feliciter curari, eamque præxim quadraginta sæculorum usu & experientiâ confirmatam esse.

I I.

ERUPTO intus è vasis humore, tumentis sub cute, quâvis in parte coacervato facilem præbendi exitum, quænam alia præcis his temporibus usitata ratio? Incausum quaeritur; an acuto aut incisorio è silice, instrumenti metallici vices, cæteris ut olim in artibus, agente? Ufus autor nullus est, repugnassetque fragmentorum facilius fortè in vulnus intromittendorum discrimen. An ære, ferro longè antiquiori? Noxam quis nescit sanguini ex contactu ejus

* Auctore M. ANTONIO DE JUSSIEU, an. 1738.

sæpius certam. An ferro ? At sub millesimo solum mundi anno, è sacrorum Codicum, & Josephi historici autoritate à Chaldæis tantum fuisse usitatum constat ; & apud Ægyptios, Græcosque antiquiores, chirurgiâ jam in artem compositâ imbutos, ad eorum fuisse, ut Homero passim & Herodoto referentibus non aliis illi quam aræis armentis uerentur. Ferrea etiam in Chirurgicos usus instrumenta Romanis ante Archagati adventum (535^o. Reipublicæ anno) fuerant ignota, & exosum secandi sævitia novum hospitem perterriti cives expulserunt. Quibus verò veteris Medicinæ numinum, heroumque opitulatrix gloria nititur, nisi vegetabilibus ? Nec Græci, nec Romani scalpello cultrove sacras Medicantis sui Apollinis imagines armavere ; sed *Salutaris* nomine insignitus, herbarum fasciculus agris dextrâ protendens, variis in monumentis passim depingitur. Curationes à Pæonis successoribus, *Æsculapio*, *Chirone* cæterisque Medicinæ principibus, deinceps que *Machaone*, *Podalirio* inclytisque aliis Medicis, herbarum ope peractæ, sæpius apud Poetas celebrantur. Ne verò ab extraneis tantum omnis autoritas peti videatur, *Cornelio Celso*, *Herophilum* nulum morbi genus abique vegetabilibus medicamentis non curasse alleganti, æquior fides erit ; & cum ipsemet *Celsus* Medico-chirurgorum princeps, cui ad punitionem in abscessibus ferrum non ignotum erat, scalprium in extremâ tantum morbi periodo suadeat, ipsique magis cataplasma arideat, herbarum usui plus inde favoris dari reputandum est. Insuper si ad applicandorum opportune simplicium consilium, ad convenientium delectum, ad applicationis modum, ipsamque applicationem attendas, percipies tam consulentis Medico-Chirurgiæ, quam operantis non mediocrem esse curam, ex quâ major prudentia, quam in strenuâ aut lanceolæ latæ, aut scalpelli recti, aut cultelli falcati, aut forficularum tractatione emicat, nec minor peritia laudatur.

I I I.

QUI veras hujusce abscessus causas ignorat, ad symptomata & progressum ejus minus attendit, & de conclusi humoris indole dubitant. quæstionis hunc judicem reculant. Sanguiferis lymphaticisque vasis, & nervorum fasciculis, millenisque vasorum ramis ramificulisque elasticis vi præditis tota corporis machina permeatur. Liber, velox, aut lentus liquorum circuitus, vel à continuo supervenientium impulsu, vel ab impresso vicinorum vasorum motu ac elatere, vel ab ipsorummet liquorum fluxu aut spissiori substantiâ apprimè pendet ; nec aliquâ in parte quasi è massa exules detinentur, nisi à totius cachexiâ, aut ab acutis aliquandò malignis, aut chronicis febribus illius depurationem criticam indicantibus. Hinc porro incers visciditate lymphæ, vel negantes se attritui & canaliculorum diametro impares in sanguine molculæ, vel fortuita vasis à vicino lateralis compressio, tot sunt liquorum obices, tot violentiæ vasorum quibus continentur dilatationis, deinceps diæreseos causæ. Quâ patet exitus, tunc effluunt è rupto vase liquores, nullâ præterfluendi, nullâ retrogrediendi concessâ viâ ; & crescente succedentium copia, undequaque vasorum vicinorum interstitia penetrantur, ipsamque comprimuntur vasa ruptum circumdantia, & ea quæ cutem percurrunt, nullo exteriori nisi proprio membranarum repagulo coercita extenduntur, ipsâque cute paulatim cedente manifestat se per congestum vulgò appellatus tumor, ex sanguinis undique coarctati aestu rubicans, & dolore gravi ex arteriarum & nervorum in coarctatam materiam solidi vices agentem impulsibus lancinans, qui si mollem afficit partem, minor ; si tendinosam, si nerveam membranamque, acutus, nec sine febre : quò strictioribus fibris laxioribusve cutis obstat, impetumque impetu repulsat, oppositis ei externè aut internè vasis magis vel minus cedentibus, eò ampliorem, profundiorum, vel magis extimam & minorem locum congesta moles occupat ; ea tot liquoribus constans, præterea etiam avulsis ac separatis è gemino lymphaticorum, nerveorum, sanguiferorum vasorum disruptorum extremo laciniis atque simbris augetur, quæ simul permixta, si attritu & digestionem non mollescant, grave solidis exitum minantur ; sin liquidior facta moles, & ex chyli, crurioris, lymphæ, bilis, albo, rubro, limpidio, flavo commistis agitatisque coloribus albicantem nasci judicatur, & digito dilatam cutem palpanti molliorem se præbet, dolore jam mitescente, ad proximam felicemque foras eruptionem accelerandam, auxiliatrices manus reposcit.

QUA olim abscessus facie, nunc eâdem se manifestant; critica plerumque eadem iis causa, iisdem cruciatu symptomatibus. Non abîmilis itaque sanandi ratio instituendâ est, præcipuè dum ætate nostrâ vegetabilium supellex amplior curationis instrumenta multiplicat, facilitatem augeat: causæ igitur sic ratione habita, ut interiori curæ exterior respondeat, naturæ depurationis opus ambiendi obsequaris. In quocumque voles gradu morbum conspice, herbis potissimum triangulari pugiunculo primùm curationem tenta, infeliciter vix unquam res tibi succedet. Quibus opportunè si principio uteris, cum factâ mox diæresi oscillantia adhuc disrupti vasis ora suo nondùm tono penitus orbatâ, parvâ nondùm alteratâ omnino sanguinis extra effusi copiam, totique massæ sanguineæ analogam ipsi restituere valent, blandis resolventibus per totum exteriùs admotis, nobiliori humoris parti stimulos dabis, quibus vasa repetat, & sero per cutis poros eliminando vias aperies. Si autem spe tibi nec resolutionis, nec resorbtionis ullâ affulgente morbus ingravescat, violentiorem arteriarum in congestam molem, & molis in arterias impetum emollientibus compesces; sanguinis fervorem externâ rubedine indicatum admittis leviter acescentibus & refrigerantibus temperabis, molestum anodinis dolorem demulcebis, & immentem tensioni cutanearum fibrarum relaxatione occurras: quibus singulis simplicium Medicaminum generibus, tùm per repetita sæpiùsque renovata cataplasmata, tùm per totum frequentem adhibitis, magis atque magis attenuata cutis, vel levissimo emollitiæ molis ad umbonem impulsui cedit, & quasi ultrò solvitur; tunc maturum, ut inquirunt, purulentum liquamen, effracto quo retinebatur clausiro copiosè erumpens, juvante digitorum ad tumoris vicinias compressione, quam vi sibi fecerat, sedem fere vacuum relinquat; dùm lanceolâ lata, aut scalpello factâ solutio dolori leniam vel nullius in cute regenerationis spem addit. Neû tamen absolutam hâc evacuatione curationem pura: præcavenda est reliquiarum puris ora vasorum interstitiaque intus oboucentis induratio, atque earum detersio peragenda; quod farinaceis cataplasmatibus ad naturæ imitationem perages; frustra autem id præstabis vulneribus novis, dum cultello incitorio labra vulneris secantem excitabis; & puri eliminando massam sanguineam jam vappiam inficiendi adhuc occasionem præbebis. Abstergendum ulcus in ipsis etiam reconditiis recessibus antractibus; accuratâ è vulnerariis lenibus plantis decocti iniectione mundabis: purulentarum particularum corruptionem, spha-celumque solidis exitum partibus quandòque minitantes ardentibus è fructibus fermentatis & distillatis liquoribus, decoctisque aromaticis avertes; iisque & ex lixiviosis cinerum vegetabilium salibus disruptorum vasorum in extremis appendices exininitas à vivo separabis; tuncque sanguine ad se juncta vasorum ora undèquaque appellente, ac cessante compressionis & corruptionis metu balsamicis ab aëris insultibus tueberis, sanguinis glutini gluten addes, carnibus vitam reddes, mutuaque partium separatarum cohesionem absque fœdâ cicatrice accelerabis.

V.

VULGATISSIMO longoque jam apud Medicos in curandis abscessibus recepto ferri usui, herbarum applicationi anteposita, quis innumeram reclamantium turbam non audiat? Rudi, ut aiunt, antiquorum arti perfectiorem recentiorum experientiam opponunt, herbisque non primariam, sed maturandi solum humoris congesti cutisque emolliendæ gloriam concedunt; ingens certè artificum negligentia specimen! qui puris legitimam conditionem herbarum esse beneficium, idque curationis opus præcipuum esse ignorant, & fabrili vulnus cum dolore statim inferentis instrumenti mechanicâ uti malunt, quàm nobiliori plantarum vires cognoscendi studio insudasse, labori parentes, undè mitiora simplicis naturæ auxilia depromerent; vegetabilium Chirurgia famulantium neglectu erroris culpam non unâ excusatione velant; dum enim ea aut strictiorem cutis texturam attenuandi imparia, aut tenaciorem humoris extrâ diffusæ substantiam resolvendi, atterendi, emolliendique impotentia accusant, liberali naturæ insultant, ejus opum delectus ignari vulneris inutilis, sæpè etiam noxii dolorem, lento quandòque sed tuto naturæ in sanguine depurando operi anteponunt; novas, dum puri per vim exitum parant, scalprum interitus

4

inferendi rationes allegant, superstitis nempe puris corruptelam, dilatandos in quos profundè irrepfit cuniculos, præcavendam subjectorum tendinum inflammationem, ossium cariem: at gravem sæpitis providæ naturæ injuriam asserunt, nullâ ad umbilicalis funiculi prolapsum, nullâ ad facilem ab avulsâ placenta cicatricem, nullâ ad variolarum desiccationem factâ attentione; meras etiam dicas, neglectæ antèrîus opportuna curationis, & spretæ frequentis herbarum convenientium applicationis excusationes, sævissimis occasionem operationibus præbituras, non sine gravi ægrorum dolore, longo curæ tædio, profundioris & duræ cicatricis disformitate, fœditate, magnoque cutis impendio. Absit tamen ut tam iniquè hoc in morbo ferri usum semper damnemus, quin salutarem initio humoris resolutioni locum dandi causâ phlebotomiam suadeamus, quin & necessariam scalpri, cultelli incisioni, forficularumque opem censeamus, cum mollito licet tumore, nec dum aperto, dolores augmentur; cum erupti spontè purulenti liquaminis pravam conditionem & color illegitimus & dolor non cessans indicant; cum etiam post diurnam humoris extracti evacuationem ulceris vel ima, vel extrema, vel exterior pars indurefcit, sed raram hanc minus solita, potiore antiquam vulgaria & frequentia morbi symptomata curandi rationem postulant.

Ergò Herbis, quam ferro promptior tutiorque abscessuum à congestione curatio.

DOMINI DOCTORES DISPUTATURI.

M. Claudius - Josephus GENTIL, Militarium Nosocomiorum ad Regis exercitum Medicus.

M. Edmondus-Thomas MOREAU,

M. Ludovicus - Petrus - Felix- Renatus LE THIEULLIER, saluberrimæ Facultatis Decanus, Regis Consiliarius & in Majori Consilio, necnon in magnâ Regiæ Domûs & Franciæ Præfecturâ Medicus ordinarius.

M. Petrus - Ludovicus - Maria MALOET,

M. Carolus GEILLE DE SAINT - LEGER, Eques, Consiliarius Medicus Regis ordinarius, primi ordinis & totius Equestris agminis in exercitu Medicus primarius.

M. Antonius GARNIER.

M. Leander PEAGET, Antiquus Consiliarius Medicus Regis ordinarius in ejus Castelleto.

M. Ludovicus Guillelmus LE MONNIER, Consiliarius Medicus Regis ordinarius Primarius, Regiarum Parisiensis, Londinensis ac Berolinensis Academiarum Socius & in Horto Regio Botanicas Professor ac Demonstrator.

M. Exuperius Josephus BERTIN, Supremi Valachia & Moldavia Principis Medicus, antiquus Regis exercituum & Castrorum Medicus Primarius, necnon à Regiâ Scientiarum Academiâ.

Proponebat Parisiis ANTONIUS-LAURENTIUS DE JUSSIEU, Lugdunæus, Doctor Medicus Remensis, Lugdunensis Academiæ Socius, necnon Saluberrimæ Facultatis Medicinæ Parisiensis Baccalaureus, A. R. S. H. 1772. A SEXTA AD MERIDIEM.